

INUIT ATAQATIGIIT INATSISARTUNI



16. august 2024

UKA2024/50

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Nunatsinni nerisassiarineqartut pisiniarfinni akiinut suut tunngaviusarnerat pillugu Naalakkersuisut nassuiaasiornissamik peqquneqarnissaannik Inatsisartut aalajangiiffissaattut siunnersuut. Nioqqutissat akitigut pisisartunut pilerinarnerulersinniarlugit qanoq iliortoqarsinnaanera nassuiaammi ilanngullugu tikkuarneqassaaq. Nassuiaat kingusinnerpaamik UKA2025-mi saqqummiunneqarsimassaaq.

(Inatsisartuni Ilaasortaq, Mariane Paviasen, Inuit Ataqatigiit)

Tunngavilersuut:

Siunertarput tassaavoq namminiilivinnissarput, siunertarput tassaavoq immitsinnut annerusumik pilersulernissarput, nuna nammineersooq tassaasariaqarpoq minnerpaamik nunap iluaneersunik innuttaminut annertuumik nerisassaqaarniarnikkut pilersuisinnaasoq. Tamanna ullumikkut angusimanngilarput. Ilisimavarput nunatsinni nerisassiat pisiarinissaat ajornakusoortoq, akisuallaarujussuarpummi, utoqqartagut kalaaliminertornissamut akissaqanngillat, inuussuttortatta kalaaliminertorneq ilaatigut nalulilerpaat angajoqqaat kalaaliminernut akisuallaannut tamatigut akissaqarneq ajormata. Pissutit atukkatta taamaannerat illua'tunganut saatissagutigu tigussaasumik tunngaveqarluta suliaqartariaqarpugut. Siunertaassaaq innuttaasugut nunatta nerisassaataanut akissaqarluta pisisinnaajuarnissarput.

Naluneqanngilaq nunatta iluani nioqqutissiorneq pisiniarfinnut apuuneranni akisoorujussuannorlutik apuuttarnerat. Assersuutissaq tassaavoq savap neqaa savaatilinniit kilumut 55,-kr missaanik akilerlugu Neqi A/S-imit pisarineqartarpoq niuertarfinnulli apuukkaangami kiilumut 150,-kr sinnerlugu akeqalersimasinnaasarpoq. Assigaa Saarullik kiilumut aalisartunut 4-5 kr-ilerlugu pisiarineqartarpoq pisiniarfinnilu uagut kiilumut 108,-kr miss. akilersinneqartoq pisiarisinnaalersarparput. Uaniluunniit eqqaanngilakka mattaat, timmissat, aalisakkat panertitat, pujukkat, katorfilit, nunatsinni aamma tunisassiarineqartut.

Siunnersuutip uumap siunertarinngilaa inuussutissarsiuteqartunut eqquinerlunnissaq, kingunerissanngilaattaaq nerisassaqaqtinniarluta tunisassiortut akikinnerusumik nioqquteqatinneqalernerannik illu'tunganilli kingunerisariaqarpaa tunisassiornerup akilersinnaasumik pisisartumullu tunisassiappisiarinissaata kajungernerulersinneqarnera Tamanna politikikkut aqqutissiuuttariaqarparput.

INUIT ATAQATIGIIT INATSIARTUNI



Amerlasuutigut nunatsinni tunisassiaanngitsumik assersuutigalugu nersussuit puulukit nerisaqarneq annertunerujussuuvoq, taakkumi kalaaliminerniit akikinnerusumik nioqputigiqartarmata akissaqarfiginerusuarparput, aali taakku imarpik ikaarlugu nunanit allanit suliarineqarlutillu angallanneqarnikuusut.

Taamatut ingerlaannarneq akueriuminaappoq nunatsinni tunisassiarineqartut eqqortumik sumik tungaveqarluni taamak akisunerulersarnerat paasisariaqarparput, aqputissiorariaqarpugut nunatsinni nioqputissiat nunatta nerisassat tunniussinnaasaat tamatsinnit akissaqarfigineqarlutik nioqputigineqarsinnaanissaat pisariaqarpoq. Nunatta iluani tunisassiornerup ingerlanneqarnerani sooq taamak akisunerulersitsitigisarnersut ersarissumik politikikkut iliuuserisinnaasagut ersarinnerulissapput.

Siunnersuutigaara Naalackersuisut misissuineramik suliaqarnissamik peqquneqassasut, nalunaarusiap takutissavaa savaatillip, piniartup, aalisartup, naatsisartup tunisassiorfimmut tunineraniit pisisartumut apuunissaata tungaanut akitsorsaataasartut sorpiaanersut.

Pisortanut aningaasatigut allaffissornikkullu kingunerisassai:

A/C fuldmægtigt marluk ukiup affaa suligasuarnissaat 500.000. kr-ninik akeqassasoq naatsorsuutigineqassaaq

Namminersortunut aningaasaatigut allaffissornikkullu kingunerisassai:

Inuussutissarsiorlutik piniartut aalisartut savaatillit allallu eqqornerlunneqannginnissaat anguniagaassaaq, tunisaqarnerulersinnaanerallu ammaavigineqarluni.

Innuttaasunut aningaasatigut allaffissornikkullu kingunerisassai:

Innutaasut kalaallit nerisassiaanik akissaqarnerulernissaanik kinguneqartussamik saqqummiusisoqassaaq.